

鄭氏通志



宋 右 迪 功 郎 鄭 樵 郎 鄭 撰

魏紀第七

武帝 文帝 明帝 齊王 高貴鄉公 陳留王

陳留王

太祖武皇帝沛國譙人也姓曹諱操字孟德漢相國參之後桓帝世曹騰爲相國參之後桓帝世曹侯養子嵩嗣官至太尉莫能審其生出本末嵩生太祖太祖少機警有權數而任俠放蕩少機警有權數而任俠奇也唯梁國橋元南陽何顥異爲元謂太祖曰天下將亂非命世之才不能濟也能安之命世之才不能濟也能孝廉爲郎除洛陽北部尉遷頓邱令徵拜議郎光和末黃巾起拜騎都尉討潁川賊遷爲濟南相國有十餘縣長吏多阿附貴戚臧污狼籍於是奏免其八禁斷淫祀姦宄逃竄郡國肅然久之徵還爲東郡太守不就稱疾歸鄉里頃之冀州刺史王芬南陽許攸沛國周旌等連結豪傑謀廢靈帝立合肥侯以告太祖太祖拒之芬等遂敗金城邊章韓遂殺刺史郡守以叛衆十餘萬天下騷動徵太祖爲典軍校尉會靈帝崩太子卽位太后臨朝大將軍何進與袁紹謀誅宦官太后不聽進乃召董卓欲以脅太后卓未至而進見殺卓到廢帝爲弘農王而立獻帝京都大亂卓表太祖爲驍騎校尉欲與計事太祖乃變易姓名間行東歸出關過中牟爲亭長所疑執詣縣邑中或竊識之爲請得解卓遂殺太后及弘農王太祖至陳留散家財合義兵將以誅卓冬十二月始起兵於己吾是歲中平六年也初平元年春正月後將軍袁術冀州牧韓馥豫州刺史孔伉兖州刺史劉岱河內太守王匡渤海太守袁紹陳留太守張邈東郡太守橋瑁山陽太守袁遺濟北相鮑信同時俱起兵衆各數萬推紹爲盟主太祖行奮武將軍一

月卓聞兵起乃徙天子都長安卓留屯洛陽遂焚宮室是時紹屯河內邈岱瑁遺屯酸棗術屯南陽仙屯潁川馥在鄴卓兵疆紹等莫敢先進太祖曰舉義兵以誅暴亂大眾已合諸君何疑向使董卓聞山東兵起倚王室之重據二周之險東向以臨天下雖以無道行之猶足爲患今焚燒宮室劫遷天子海內震動不知所歸此天亡之時也一戰而天下定矣不可失也遂引兵西將據成臯邈遣將衛茲分兵隨太祖到滎陽汴水遇卓將徐榮與戰不利士卒死傷甚多太祖爲流矢所中所乘馬被創從弟洪以馬與太祖得夜遁去榮見太祖所將兵少力戰盡日謂酸棗未易攻也亦引兵還太祖到酸棗諸軍兵十餘萬日置酒高會不圖進取太祖責讓之因爲謀曰諸君聽吾計使渤海引河內之衆臨孟津酸棗諸將守成臯據敖倉塞轅轅太谷全制其險使袁將軍率南陽之軍軍丹析入武關以震三輔皆高壘深壁勿與戰益爲疑兵示天下形勢以順誅逆可立定也今兵以義動持疑而不進失天下之望竊爲諸君恥之邈等不能用太祖兵少乃與夏侯惇等詣揚州募兵刺史陳溫丹陽太守周昕與兵四千餘人還到龍亢士卒多叛至銍建平復收兵得千餘人進屯河內劉岱與橋瑁相惡岱殺瑁以王肱領東郡太守袁紹與韓馥謀立幽州牧劉虞爲帝太祖拒之紹又嘗得一玉印於太祖坐中舉向其肘太祖由是笑而惡焉

二年春紹馥遂立虞爲帝虞終不敢當夏四月卓還長安秋七月袁紹脅韓馥取冀州黑山賊于毒白繞眭固等十餘萬衆略魏郡東郡王肱不能禦太祖引兵入東郡擊白繞於濮陽破之袁紹因表太祖爲東郡太守治東武陽

三年春太祖軍頓邱毒等攻東武陽太祖乃引兵西入山攻毒等本屯毒聞之棄武陽還太祖要擊眭固又擊固

奴於夫羅於內黃皆大破之夏四月司徒王允與呂布共殺董卓將李傕郭汜等殺允攻布敗東出武關催等擅朝政青州黃巾衆百萬入兗州殺任城相鄧遂轉入東平劉岱欲擊之鮑信諫曰今賊衆百萬百姓皆震恐士卒無鬪志不可敵也觀賊衆羣輩相隨軍無輜重唯以鈔略爲資今不若畜士衆之力先爲固守彼欲戰不得攻又不能其勢必離散後選精銳據其要害擊之可破也岱不從遂與戰果爲所殺信乃與州吏萬潛等至東郡迎太祖領兗州牧遂進兵擊黃巾於壽張東信力戰鬪死僅而破之購求信喪不得衆乃刻木如信形狀祭而哭焉追黃巾至濟北乞降冬受降卒三十餘萬男女百餘萬口收其精銳者號爲青州兵袁術與紹有隙術求援於公孫瓚瓚使劉備屯高唐軍經屯平原陶謙屯發干以逼紹太祖與紹會擊皆破之

四年春軍鄆城荊州牧劉表斷術糧道術引軍入陳留屯封邱黑山餘賊及於夫羅等佐之術使將劉詳屯匡亭太祖擊詳術救之與戰大破之術退保封邱遂圍之未合術走襄邑追到太壽決渠水灌城走寧陵又追之走九江夏太祖還軍定陶下邳闕宣聚衆數千人自稱天子徐州牧陶謙與共舉兵取泰山華費略任城秋太祖征陶謙下十餘城謙守城不敢出是歲孫策受袁術使渡江數年間遂有江東

興平元年春太祖自徐州還初太祖父嵩去官復還譙董卓之亂避難琅邪爲陶謙所害故太祖志在復讐東伐夏使荀彧程昱守鄆城復征陶謙拔五城遂略地至東海還過鄆謙將曹豹與劉備屯鄆東要太祖太祖擊破之遂攻拔襄贛所過多所殘戮會張邈與陳宮叛迎呂布郡縣皆應荀彧程昱保鄆城范東阿二縣固守太祖乃引軍還布到攻鄆城不能下西屯濮陽太祖曰布一旦得一州不能據東平斷亢父泰山之道乘險要我而乃屯濮陽吾知其無能爲也遂進軍攻之布出兵戰先以騎犯青州兵青州兵奔太祖陣亂馳突火出墜馬燒左手掌司

馬樓異扶太祖上馬遂引去未至營止諸將未與太祖相見皆怖太祖乃自力勞軍令軍中促爲攻具進復攻之與布相守百餘日蝗蟲起百姓大餓布糧食亦盡各引去秋九月太祖還鄆城布到乘氏爲其縣人李進所破東屯山陽於是紹使人說太祖欲連和太祖新失兗州軍食盡將許之程昱止太祖太祖從之冬十月太祖至東阿是歲穀一斛五十餘萬錢人相食乃罷吏兵新募者陶謙死劉備代之

二年春襲定陶濟陰太守吳資保南城未拔會呂布至又擊破之夏布將薛蘭李封屯鉅野太祖攻之布救蘭蘭放布走遂斬蘭等布復從東緡與陳宮將萬餘人來戰時太祖兵少設伏縱奇兵擊大破之布夜走太祖復攻拔定陶分兵平諸縣布東奔劉備張邈從布使其弟超將家屬保雍邱秋八月圍雍邱冬十月天子拜太祖兗州牧十二月雍邱潰超自殺夷邈三族邈詣袁術請救爲其衆所殺兗州平遂東略陳地是歲長安亂天子東遷敗于曹陽渡河幸安邑

建安元年春正月太祖軍臨武平袁術所置陳相袁嗣降太祖將迎天子諸將或疑荀彧程昱勸之乃遣曹洪將兵西迎衛將軍董卓承與袁術將袁術所置陳相袁嗣降太祖將迎天子諸將或疑荀彧程昱勸之乃遣曹洪將又附孫堅二月太祖進軍討破之斬辟邵等儀及其衆皆降天子拜太祖建德將軍夏六月遷鎮東將軍封費亭侯秋七月楊奉韓暹以天子還洛陽奉別屯梁太祖遂至洛陽衛京都還遁走天子假太祖節鉞錄尙書事洛陽殘破董卓等勸太祖都許九月車駕出轅轅而東以太祖爲大將軍封武平侯自天子西遷朝廷日亂至是宗廟社稷制度始立天子之東也奉自梁欲要之不及冬十月太祖征奉奉南奔袁術遂攻其梁屯拔之於是以袁紹爲太尉紹恥班在太祖下不肯受太祖乃固辭以大將軍讓紹天子拜太祖司空行車騎將軍是歲用裴詵韓浩

等議始興屯田呂布襲劉備取下邳備來奔程昱說太祖曰觀備有雄才而甚得衆心終不爲人下不如早圖之太祖曰方今收英雄時也殺一人而失天下之心不可張濟自關中走南陽濟死從子繡領其衆

二年春正月太祖到宛張繡降旣而悔之復反太祖與戰軍敗爲流矢所中長子昂弟子安民遇害太祖乃引兵還舞陰繡將騎來鈔太祖擊破之繡奔穰與劉表合太祖謂諸將曰吾降張繡等失不便取其質以至於此吾知所以敗諸卿觀之自今已後不復敗矣遂還許袁術欲稱帝於淮南使人告呂布布收其使上其書術怒攻布爲布所破秋九月術侵陳太祖東征之術聞太祖自來棄軍走留其將橋蕤李豐梁綱樂就太祖到擊破蕤等皆斬之術走渡河太祖還許太祖之自舞陰還也南陽章陵諸縣復叛爲繡太祖遣曹洪擊之不利還屯葉數爲繡表所侵冬十一月太祖自南征至宛表將鄧濟據湖陽攻拔之生禽濟湖陽降攻舞陰下之

三年春正月太祖還許初置軍師祭酒三月太祖圍張繡於穰夏五月劉表遣兵救繡以絕軍後太祖將引還繡兵來太祖軍不得進連營稍前太祖與荀彧書曰賊來追吾雖日行數里吾策之到安衆破繡必矣到安衆繡與表兵合守險太祖軍前後受敵太祖乃夜鑿險爲地道悉過輜重設奇兵會明賊謂太祖爲遁也悉軍來追乃縱奇兵步騎夾攻大破之秋七月太祖還許荀彧問太祖前所以策賊必破何也太祖曰虜遏吾歸師而與吾死地戰吾是以知勝矣呂布復爲袁術使高順攻劉備太祖遣夏侯惇救之不利備爲順所敗九月太祖東征布冬十月屠彭城獲其相侯諧進至下邳布自將騎逆擊大破之獲其驍將成廉追至城下布恐欲降陳宮等沮其計求救於術勸布出戰戰又敗乃還固守攻之不下時太祖連戰士卒罷欲還用荀攸郭嘉計遂決泗沂水以灌城月餘布將宋憲魏續等執陳宮舉城降生禽布宮皆殺之太山臧霸孫觀吳敦尹禮昌豨各率衆布之破劉備也霸

等悉從布敗獲霸等太祖厚納待遂割青徐二府附於海以委焉分琅邪東海北海爲城陽利城昌慮郡初太祖爲兗州以東平畢諶爲別駕張邈之叛也邈刳諶母弟妻子太祖謝遣之曰卿老母在彼可去諶頓首無二心太祖嘉之爲之流涕旣出遂亡歸及布破諶生得衆爲諶懼太祖曰夫人孝於其親者豈不亦忠於君乎吾所求也以爲魯相

四年春二月太祖還至昌邑張楊將張醜殺楊胙固又殺醜以其衆屬袁紹屯射犬夏四月進軍臨河使史渙曹仁渡河擊之固使楊故長史薛洪河內太守繆尙留守自將兵北迎紹求救與渙仁相遇犬城交戰大破之斬固太祖遂濟河圍射犬洪尙率衆降封爲列侯還軍敖倉以魏种爲河內太守屬以河北事初太祖舉种孝廉兗州叛太祖曰唯魏种且不棄孤也及聞种走太祖怒曰种不南走越北走胡不置汝也旣下射犬生禽种太祖曰唯其才也釋其縛而用之是時袁紹旣并公孫瓚兼四州之地衆十餘萬將進軍攻許諸將以爲不可敵太祖曰吾知紹之爲人志大而智小色厲而膽薄忌克而少威兵多而分畫不明將驕而政令不一土地雖廣糧食雖豐適足以爲吾奉也秋八月太祖進軍黎陽使臧霸等入青州破齊北海東安留子禁屯河上九月太祖還許分兵守官渡冬十一月張繡率衆降封列侯十二月太祖軍官渡袁術自敗於陳稍困袁譚自青州遣迎之術欲從下邳北過太祖遣劉備朱靈要之會術病死程昱郭嘉聞太祖遣備言於公曰劉備不可縱太祖悔追之不及備之未東也陰與董承等謀反至下邳遂殺徐州刺史車胄舉兵屯沛遣劉岱王忠擊之不克廬江太守劉勳率衆降封爲列侯

五年春正月董承等謀泄皆伏誅太祖將自東征備諸將皆曰與公爭天子者袁紹也今紹方來而棄之東紹乘

害後若何太祖曰夫劉備人傑也今不擊必爲後患袁紹雖有大志而見事遲必不動也郭嘉亦勸太祖遂東擊
備破之生禽其將夏侯惇備走奔紹獲其妻子備將關羽屯下邳復進攻之羽降昌豸叛爲備又攻破之太祖還
官渡紹卒不出二月紹遣郭圖淳于瓊顏良攻東郡太守劉延於白馬紹引兵至黎陽將渡河夏四月太祖北救
延荀攸說太祖曰今兵少不敵分其勢乃可太祖到延津若將渡兵向其後者紹必西應之然後輕兵襲白馬掩
其不備顏良可禽也太祖從之紹聞兵渡卽分兵西應之太祖乃引軍兼行趣白馬未至十餘里良大驚來逆戰
使張遼關羽前登擊破斬良遂解白馬圍徙其民循河而西紹於是渡河追太祖軍至延津南太祖勒兵駐營南
阪下使登壘望之曰可五六百騎有頃復白騎稍多步兵不可勝數太祖曰勿復白乃令騎解鞍放馬是時白馬
輜重就道諸將以爲敵騎多不如還保營荀攸曰此所以餌敵如何去之紹騎將文醜與劉備將五六千騎前後
至諸將復白可上馬太祖曰未也有頃騎至稍多或分趣輜重太祖曰可矣乃皆上馬時騎不滿六百遂縱兵擊
大破之斬醜良醜皆紹名將也再戰而禽紹軍大震太祖還軍官渡紹進保陽武關羽亡歸劉備八月紹連營
稍前依沙塹爲屯東西數十里太祖亦分營與相當合戰不利時太祖兵不滿萬傷者十二三紹復進臨官渡起
土山地道太祖亦於內作之以相應紹射營中矢如雨下行者皆蒙楯衆大懼時太祖糧少與荀彧書議欲還許
彧以爲紹悉衆聚官渡欲與公決勝敗公以至弱當至彊若不能制必爲所乘是天下之大機也且紹布衣之雄
耳能聚人而不能用法以公之神武明哲而輔以大順何向而不濟太祖從之孫策聞太祖與紹相持乃謀襲許
未發爲刺客所殺汝南降賊劉辟等叛應紹略許下紹使劉備助辟太祖使曹仁擊破之備走遂破辟屯袁紹運
穀車數千乘至太祖用荀攸計遣徐晃史渙邀擊大破之盡燒其車太祖與紹相拒連月雖比戰斬將然衆少糧

盡士卒疲乏太祖謂運者曰郤十五日爲汝破紹不復勞汝矣冬十月紹遣車運穀使溱于瓊等五人將兵萬餘人送之宿紹營北四十里紹謀臣許攸貪財紹不能足來奔因說太祖擊瓊等左右疑之荀攸實譚勸太祖太祖乃留曹洪守自將步騎五千人夜往會明至瓊等望見太祖兵少出陣門外太祖急擊之瓊退保營遂攻之紹遣騎救瓊左右或言賊騎稍近請分兵拒之太祖怒曰賊在背後乃白士卒皆殊死戰大破瓊等皆斬之紹初聞太祖之擊瓊謂長子譚曰就彼攻瓊等吾攻拔其營彼固無所歸矣乃使高郃高覽攻曹洪郃等聞瓊破遂來降紹衆大潰紹及譚棄軍走渡河追之不及盡收其輜重圖書珍寶虜其衆太祖收紹書中得許下及軍中人書皆焚之冀州諸郡多舉城邑降者初桓帝時有黃星見於楚宋之分遼東殷廋善天文言後五十歲當有真人起於梁沛之間其鋒不可當至是凡五十年而太祖破紹天下莫敵矣

六年夏四月揚兵河上擊紹倉亭軍破之紹歸復收散卒攻定諸叛郡縣九月太祖還許紹之未破也使劉備略汝南賊共都等應之遣蔡揚擊都不利爲都所破太祖南征備備聞太祖自行走奔劉表都等皆散

七年春正月太祖軍譙令曰吾起義兵爲天下誅暴亂舊土人民死喪略盡國中終日行不見所識使吾悽愴傷懷其舉義兵已來將士絕無後者求其親戚以後之授土田官給耕牛置學師以教之爲存者立廟使祀其先人魂而有靈吾百年之後何恨哉遂至浚儀治睢陽渠遣使以太牢祀橋元進軍官渡紹自軍破後發病嘔血夏五月死小子尙代譚自號車騎將軍屯黎陽秋九月太祖征之連戰譚尙數敗退固守

八年春三月攻其郭乃出戰擊大破之譚尙夜遁夏四月進軍鄴五月還許留賈信屯黎陽己酉令曰司馬法將軍死綏故趙括之母乞不坐括是古之將者軍破於外而家受罪於內也自命將征行但賞功而不罰罪非國典

也其令諸將出征敗軍者抵罪失利者免官爵秋七月令曰喪亂已來十有五年後生者不見仁義禮讓之風吾甚傷之其令郡國各修文學縣滿五百戶置校官選其鄉之俊造而教學之庶幾先王之道不廢而有益於天下八月太祖征劉表軍西平太祖之去鄴而南也譚尙爭冀州譚爲尙所敗走保平原尙攻之急譚遣辛毗乞降請救諸將皆疑荀攸勸太祖許之乃引軍還冬十月到黎陽爲子整與譚結婚尙聞太祖北乃釋平原還鄴東平呂曠呂詳叛尙屯陽平率其衆降封爲列侯

九年春正月濟河遏淇水入白溝以通糧道二月尙復攻譚留蘇由審配守鄴太祖進軍到洹水由降旣至攻鄴爲土山地道武安長尹楷屯毛城通上黨糧道夏四月留曹洪攻鄴太祖自將鑿楷破之而還尙將沮鵠守邯鄲又鑿拔之易陽令韓範涉長梁岐舉縣降賜爵關內侯五月毀土山地道作圍塹決漳水灌城城中餓死者過半秋七月尙還救鄴諸將皆以爲此歸師人自爲戰不如避之太祖曰尙從大道來當避之若循西山來者此成禽耳尙果從西山來臨滏水爲營夜遣兵犯圍太祖逆擊破走之遂圍其營未合尙懼故豫州刺史陰夔及陳琳乞降太祖不許爲圍益急尙夜遁保祁山追擊之其將馬延張顗等臨陣降衆大潰尙走中山盡獲其輜重得尙印綬節鉞使尙降人示其家城中崩沮八月審配兄子榮夜開所守城東門內兵配逆戰敗生禽配斬之鄴定太祖臨祀紹墓哭之流涕慰勞紹妻還其家人寶物賜雜繒絮廩食之初紹與太祖共起兵紹問太祖曰若事不輯則方面何所可據太祖曰足下意以爲何如紹曰吾南據河北阻燕代兼戎狄之衆南向以爭天下庶可以濟乎太祖曰吾任天下之智力以道御之無所不可九月令曰河北罹袁氏之難其令無出今年租賦重豪彊兼井之法百姓喜悅天子以太祖領冀州牧太祖讓還兗州太祖之圍鄴也譚略取甘陵安平渤海河間尙敗還中山譚攻

之尙奔故安遂并其衆太祖遣譚書責以負約與之絕婚女還然後進軍譚懼拔平原走保南皮十二月太祖入平原略定諸縣

十年春正月攻譚破之斬譚誅其妻子冀州平下令曰其與袁氏同惡者與之更始令民不得復私讐禁厚葬皆一之於法是月袁熙大將焦觸張南等叛攻熙尙熙尙奔三郡烏丸觸等舉其縣降封爲列侯初討譚時民亡椎冰令不得降頃之亡民有詣門首者太祖曰聽汝則違令殺汝則誅首歸深自藏無爲吏所獲民垂泣而去後竟捕得夏四月黑山賊張燕率其衆十餘萬降封爲列侯故安趙犢霍奴等殺幽州刺史涿郡太守三郡烏丸攻鮮于輔於獮平秋八月太祖征之斬犢等乃渡潞河救獮平烏丸奔走出塞九月令曰阿黨比周先聖所疾也聞冀州俗父子異部更相毀譽昔直不疑無兄人謂之盜嫂第五伯魚三娶孤女人謂之搗婦翁王鳳擅權谷永比之申伯王商忠議張匡謂之左道此皆以白爲黑欺天罔君者也吾欲整齊風俗四者不除吾以爲羞冬十月太祖遣鄴初袁紹以甥高幹領并州牧太祖之拔鄴幹降以爲刺史幹聞太祖討烏桓以州叛執上黨太守舉兵守壺關口遣樂進李典擊之幹還守壺關城

十一年春正月太祖征幹幹聞之乃留其別將守城走入匈奴求救於單于單于不受太祖圍壺關三月拔之幹遂走荊州上洛都尉王琰捕斬之秋八月太祖東征海賊管承至滄于遣樂進李典擊破之承走入海島割東海之襄贛鄴戚以益琅邪省昌慮郡三郡烏丸承天下亂破幽州略有漢民合十餘萬戶袁紹皆立其酋豪爲單于以家人子爲己女妻焉遼西單于蹋頓尤彊爲紹所厚故尙兄弟歸之數入塞爲害太祖將征之鑿渠自呼池入狐水名平虜渠又從洵河口鑿入潞河名泉州渠以通海

十二年春正月太祖自瀋于還鄴丁酉令曰吾起義兵誅暴亂於今十九年所征必克豈吾功哉乃賢士大夫之力也天下雖未悉定吾當要與賢士大夫共定之而專饗其勞吾何以安焉其促定功行封於是大封功臣二十餘人皆爲列侯其餘各以次受封及復死事之孤輕重各有差將北征三郡烏丸諸將皆曰袁尙亡虜耳夷狄貪而無親豈能爲尙用今深入征之劉備必說劉表以襲許萬一爲變事不可悔惟郭嘉策表必不能任備勸太祖行夏五月至無終秋七月大水傍海道不通田疇請爲鄉導太祖從之引軍出盧龍塞塞外道絕不通乃塹山堙谷五百餘里經白檀歷平剛涉鮮卑庭東指柳城未至二百里虜乃知之尙熙與蹋頓遼西單于樓班右北平單于能臣抵之等將數萬騎逆軍八月登白狼山卒與虜遇衆甚盛太祖車重在後被甲者少左右皆懼太祖登高望虜陣不整乃縱兵擊之使張遼爲先鋒虜衆大崩斬蹋頓及名王已下胡漢降者二十餘萬口遼東單于速僕丸及遼西北平諸豪棄其種人與尙熙奔遼東衆尙有數千騎初遼東太守公孫康恃遠不服及太祖破烏丸或說太祖遂征之尙兄弟可禽也太祖曰吾方使康斬送尙熙首不煩兵矣九月太祖引兵自柳城還康卽斬尙熙及速僕丸等傳其首諸將或問太祖還而康斬送尙熙何也太祖曰彼素畏尙等吾急之則并力緩之則自相圖其勢然也十一月至易水代郡烏丸行單于普富盧上郡烏丸行單于那樓將其名王來賀

十三年春正月太祖還鄴作元武池以肄舟師漢罷三公官置丞相御史大夫夏六月以太祖爲丞相秋七月太祖南征劉表八月表卒其子琮代屯襄陽劉備屯樊九月太祖到新野琮遂降備走夏口太祖進軍江陵下令荆州吏民與之更始乃論荊州服從之功侯者十五人以劉表大將文聘爲江夏太守使統本兵引用荊州名士韓嵩鄧義等益州牧劉璋始受徵役遣兵給軍十二月孫權爲備攻合肥太祖自江陵征備至巴邱遣張憲救合肥

權聞憲至乃走太祖至赤壁與備戰不利於是大疫吏士多死者乃引軍還備遂有荊州江南諸郡

十四年春三月軍至譙作輕舟治水軍秋七月自渦入淮出肥水軍合肥辛未令曰自頃已來軍數征行或遇疫氣吏士死亡不歸家室怨曠百姓流離而仁者豈樂之哉不得已也其令死者家無基業不能自存者縣官勿絕廩長吏存卹撫循以稱吾意置揚州郡縣長吏開芍陂屯田十二月軍還譙

十五年春下令曰自古受命及中興之君曷嘗不得賢人君子與之共治天下者乎及其得賢也曾不出閭巷豈幸相遇哉上之人不求之耳今天下尙未定此特求賢之急時也孟公綽爲趙魏老則優不可以爲滕薛大夫若必廉士而後可用則齊桓其何以霸世今天下得無有被褐懷玉而釣於渭濱者乎又得無盜嫂受金而未遇無知者乎二三子其佐我明揚側陋惟才是舉吾得而用之冬作銅爵臺

十六年春正月天子命太祖世子丕爲五官中郎將置官屬爲丞相副太原商曜等以大陵叛遣夏侯淵徐晃圍破之張魯據漢中三月遣鍾繇討之太祖使淵等出河東與繇會時關中諸將疑繇欲自襲馬超遂與韓遂楊秋李堪成宜等叛遣曹仁討之超等屯潼關太祖勅諸將關西兵精悍堅壁勿與戰秋七月太祖西征與超等夾關而軍太祖急持之而潛遣徐晃朱靈等夜渡蒲阪津據河西爲營太祖自潼關北渡未濟超赴船急戰校尉丁斐因放牛馬以餌賊賊亂取牛馬太祖乃得渡循河爲甬道而南賊退拒渭口太祖乃多設疑兵濟以舟載兵入渭爲浮橋夜分兵結營於渭南賊夜攻營伏兵擊破之超等屯渭南遣信求割河以西請和太祖不許九月進軍渡渭超等數挑戰又不許因請割地求送任子太祖用賈詡計僞許之韓遂請與太祖相見太祖與遂父同歲孝廉又與遂同時儕輩於是交馬語移時不及軍事但說京都舊故拊手歡笑既罷超等問遂公何言遂曰無所言

也超等疑之他日太祖又與遂書多所點竄如遂改定者超等愈疑遂太祖乃與克日會戰先以輕兵挑之戰良久乃縱虎騎夾擊大破之斬成宜李堪等遂超等走涼州楊秋奔安定關中平諸將或問太祖曰初賊守潼關渭北道關不從河東擊馮翊而反守潼關引日而後北渡何也太祖曰賊守潼關若吾入河東賊必引守諸津則西河未可渡吾故盛兵向潼關賊悉衆南守西河之備虛故二將得擅取西河然後引軍北渡賊不能與吾爭西河者以有二將之軍也連車樹柵爲甬道而南旣爲不可勝且以示弱渡渭爲堅壘虜至不出所以驕之也故賊不爲營壘而求割地吾順言許之所以從其意使自安而不爲備因畜士卒之力一旦擊之所謂疾雷不及掩耳兵之變化固非一道也始賊每一部到太祖輒有喜色賊破之後諸將問其故太祖答曰關中長遠若賊各依險阻征之不一二年不可定也今皆來集其衆雖多莫相歸服軍無適主一舉可滅爲功差易吾是以喜冬十月太祖自長安北征楊秋圍安定秋降復其爵位使留撫其民人十二月自安定還留夏侯淵屯長安

十七年春正月太祖還鄴天子命太祖贊拜不名入朝不趨劔履上殿如蕭何故事馬超餘衆梁興等屯葭田使夏侯淵擊平之割河內之蕩陰朝歌林慮東郡之衛國頓邱東武陽發千鉅鹿之饒陶曲周南和廣平之任城趙之襄國邯鄲易陽以益魏郡冬十月太祖征孫權

十八年春正月進軍濡須口攻破權江西營獲權都督公孫陽乃引軍還詔書并二十四州復爲九州夏四月至鄴五月丙申天子使御史大夫郗慮持節策命太祖爲魏公曰朕以不德少遭愍凶越在西土遷于唐衛當此之時若綴旒然宗廟乏祀社稷無位羣凶覬覦分裂諸夏率土之民朕無獲焉卽我高祖之命將墜于地朕用夙興假寐震悼于厥心曰惟祖惟父股肱先正其孰能恤朕躬乃誘天衷誕育丞相保乂我皇家弘濟于艱難朕實賴

之今將授君典禮其敬聽朕命昔者董卓初興國難羣后釋位以謀王室君則攝進首啟戎行此君之忠於本朝也後及黃巾反易天常侵我三州延及平民君又翦之以寧東夏此又君之功也韓暹楊奉專用威命君則致討克黜其難遂遷許都造我京畿設官兆祀不失舊物天地鬼神於是獲乂此又君之功也袁術僭逆肆於淮南憚君靈用丕顯謀斬陽之役橋蕤授首稜威南邁術以隕潰此又君之功也廻戈東征呂布就戮乘輅將返張楊殂斃匪固伏罪張繡稽服此又君之功也袁紹逆亂天常謀危社稷憑恃其衆稱兵內侮當此之時王師寡弱天下寒心莫有固志君執大節精貫白日奮其武怒運其神策致屈官渡大殲醜類俾我國家拯於危墜此又君之功也濟師洪河拓定四州袁譚高幹咸梟其首海盜奔逆黑山順軌此又君之功也烏丸三種崇亂二世袁尚因之逼據塞北東馬縣車一征而滅此又君之功也劉表背誕不供貢職王師首路威風先逝百城八郡交臂屈膝此又君之功也馬超成宜同惡相濟濱據河潼求逞所欲殄之渭南獻馘萬計遂定邊境撫和戎狄此又君之功也鮮卑丁零重譯而至單于白屋請吏率職此又君之功也君有定天下之功重之以明德班敘海內宣美風俗旁施勤教恤慎刑獄吏無苛政民無懷慝敦崇帝族表繼絕世舊德前功罔不咸秩雖伊尹格于皇天周公光於四海方之蔑如也朕聞先王並建明德胙之以土分之以民崇其寵章備其禮物所以藩衛王室左右厥世也其在周成管蔡不靜懲難念功乃使召康公賜齊太公履東至于海西至于河南至于穆陵北至于無棣五侯九伯實得征之世祚太師以表東海爰及襄王亦有楚人不供王職又命晉文登爲侯伯錫以二輅虎賁鉞鉞和鬯弓矢大敗南陽世作盟主故周室之不壞繫二國是賴今君稱丕顯德明保朕躬奉答天命導揚弘烈綏爰九域莫不率俾功高于伊周而賞卑於齊晉朕甚惡焉朕以眇眇之身託于兆民之上永思厥艱若涉淵冰非君攸濟朕

無任焉今以冀州之河東河內魏郡趙國中山常山鉅鹿安平甘陵平原凡十郡封君爲魏公錫君元土宜以白茅爰契爾龜用建冢社昔在周室畢公毛公入爲卿士周召師保出爲二伯外內之任君實宜之其以丞相領冀州牧如故又加君九錫其敬聽朕命君經緯禮律爲民軌儀使安職業無或遷志是用錫君大輅戎輅各一元牡二駟君勸分務本穡人昏作粟帛滯積大業惟興是用錫君袞冕之服赤舄副焉君敦尚謙讓俾民興行少長有禮上下咸和是用錫君軒縣之樂及六佾之舞君翼宣風化爰發四方達人革面華夏充實是用錫君朱戶以居君研其明哲思帝所難官才任賢羣善必舉是用錫君納陛以登君秉國之鈞正色處中纖毫之惡莫不抑退是用錫君虎賁之士三百人君糾虔天刑章厥有罪犯關于紀莫不誅殛是用錫君鈇鉞各一君龍驤虎視旁眺八維掩討逆節折衝四海是用錫君彤弓一彤矢百旅弓十旅矢千君以溫恭爲基孝友爲德明允篤誠感于朕思是用錫君秬鬯一卣圭瓚副焉魏國置丞相已下羣卿百寮皆如漢初諸侯王之制往欽哉敬服朕命簡恤爾衆時亮庶功用終爾顯德對揚我高祖之休命秋七月始建魏社稷宗廟天子聘太祖三女爲貴人少者待年於國九月作金虎臺鑿渠引漳水入白溝以通河冬十月分魏郡爲東西部置都尉十一月初置尚書侍中六卿馬超在漢陽復因羌胡爲害氏王千萬叛應超屯興國使夏侯淵討之

十九年春正月始耕籍田南安趙衢漢陽尹奉等討超梟其妻子超奔漢中韓遂徙金城入氏王千萬部率羌胡萬餘騎與夏侯淵戰擊大破之遂走西平淵與諸將攻興國屠之省安東永陽郡安定太守母邱興將之官太祖戒之曰羌胡欲與中國通自當遣人來慎勿遣人往善人難得必將教羌胡妄有所請求因欲以自利不從便爲失異俗意從之則無益事興至遣校尉范陵至羌中陵果教羌使自請爲屬國都尉太祖曰吾豫知當爾非聖也

但更事多耳三月天子使魏公位在諸侯王上改授金璽赤紱遠遊冠秋七月太祖征孫權初隴西宋建自稱河首平漢王聚衆枹罕改元置百官三十餘年遣夏侯淵自興國討之冬十月屠枹罕斬建涼州平太祖自合肥還十一月漢皇后伏氏坐昔與父故屯騎校尉完書云帝以董承被誅怨恨太祖辭甚醜惡發聞皇后廢黜死兄弟皆伏法十二月太祖至孟津天子命太祖置旄頭宮殿設鍾虡乙未令曰夫有行之士未必能進取進取之士未必能有行也陳平豈篤行蘇秦豈守信邪而陳平定漢業蘇秦濟弱燕由此言之士有偏短庸可廢乎有司明思此義則士無遺滯官無廢業矣又曰夫刑百姓之命也而軍中典獄者或非其人而任以三軍死生之事吾甚懼之其選明達法理者使持典刑於是置理曹掾屬

二十年春正月天子立太祖中女爲皇后省雲中定襄五原朔方郡郡置一縣領其民合以爲新興郡三月太祖西征張魯至陳倉將自武都入氏氏人塞道先遣張郃朱靈等攻破之夏四月太祖自陳倉以出散關至河池氏王寶茂衆萬餘人恃險不服五月太祖攻屠之西平金城諸將麴演蔣石等共斬送韓遂首秋七月太祖至陽平張魯使弟衛與將楊昂等據陽平關橫山築城十餘里攻之不能拔乃引軍還賊見大軍退其守備解散太祖乃密遣解圍高祚等乘險夜襲大破之斬其將楊任進攻衛衛等夜遁魯奔巴中太祖軍入南鄭盡得魯府庫珍寶巴漢皆降復漢寧郡爲漢中分漢中之安陽西城爲西城郡置太守分錫上庸郡置都尉八月孫權圍合肥張遼李典擊破之九月巴七姓夷王朴胡賓昌侯杜濩舉夷賁民來附於是分巴郡以胡爲巴東太守濩爲巴西太守皆封列侯天子命太祖承制封拜諸侯守相冬十月始置名號侯至五大夫與舊列侯關內侯凡六等以賞軍功十一月魯自巴中將其餘衆降封魯及五子皆爲列侯劉備劉璋取益州遂據巴中遣張郃擊之十二月太